

樓谿先生集卷之一

膠東崔廷槐樓谿撰

高梁王時濟龍塢選

東萊胡來貢順菴校

古樂府

雙燕來

從何來雙燕飛入昭陽漢家殿殿上雲深白日短  
赤鳳來時簾不捲燕尾涎涎鳳羽健蘭房  
林寢光電電月明如畫花如霰

白紵詞三首

樓頭白紵白且光金梭玉軸銀為度織成妙  
雙鴛鴦君行遠成天一方為君栽在中衣裳  
城鴈塞阻且長白雲久下疑為霜千行錦樹萬  
行鴈縱有音書那得見

城上烏啼蟲坯戶瑤臺月冷疎螢度寒燈無焰  
蕙帷空淚痕拭盡臙脂紅停梭悄然向背立烏  
啼不啼城角濕凭闌却望青天遙雙星耿耿河  
無橋涼風浙瀝梧桐稍

天王馳射上林畔射得雲間雙白鴈鴈足封題  
濕未乾云是窮北降王款玉闕書中汗馬功傳

有郎名姓恠得金銜花燁燁紅相映生不願封  
萬戶侯生不願登白玉樓但願沙場十萬里征  
旗一夕大刀頭世事良悠悠一場春夢短青陽  
不再逢朱顏忽已淺君不見平章宅裏花爛熳  
老盡春光不曾看南巖松桂歲寒枝顏色蒼蒼  
已後時桑田尚變為滄海何況區區蒲柳姿

上之回

邊頭八月百草腓冰花結地愁雲飛徠徠悲吟  
鳥不下天上六龍催法駕馬鳴蕭蕭皇人在郊  
皇降于庭蕭蕭馬鳴朝出射生夜歸宴何以爲

之危其屬五侯七貴相經過酒酣爭唱過  
貂蟬狗尾高蹀峨瑤池未會西王母八駿何歸  
罷巡狩

元夕吟

去年年豐燈滿市千門萬戶鰲山戲今夕何夕  
不下樓鰲山雖結燈無油翩翩驄馬寒嗟爾未  
何邊不見豐年燈火時張燈却唱豐年詞西隣  
老媪門戶敗燈昏頗遭官長恠大市街頭抱孫  
賣

東阿謠

阿大夫阿誰稱爾賢爾將誰欺欺者天南山有  
田穢不理貴家臺榭凌雲起冬寒無襦饑無粟  
爾剝民脂取民肉爾有金帛積如山譽言日至  
言何難羊質蒙虎皮百獸駭而走見草生悅心  
殺身諒不久君不見即墨大夫亦爾徒生封萬  
戶南面而稱孤昇中之苦苦莫逾泰山可磨川  
可竭大夫之名不可滅

南湖曲

朝望洞庭山暮望洞庭山水日以佳遊人常  
早起湖草綠如烟飛擢過前川依稀楊柳清淺

着采菱船榜柳絲綠長下蕩浮萍草游魚知不  
知驚起雙鷗鳥明月白蘋洲天風吹不休醉臥  
蓬窗底那知塵世愁眉何處翁蓑笠遙相訪  
但坐無雜言頗云湖水長湖水日以長幽情澹  
不歸秋風滄海上葦緜今應肥

朱鷺

朱鷺飛千戚舞昭文明崇聖武奉天休神佐主  
禮樂脩郊祀舉四夷賓民物覩于嗟乎朱鷺蹠  
蹠鼓之鏜鏜皇威以張朱鷺煢煢八音以成皇  
心用寧翩翩九苞百獸咸戾皇萬億年洽爾百

祀

烏夜啼

城上烏烏夜啼誰能辨爾是雄雌城邊小兒性  
如火揮手謝烏烏不可宮漏沉沉城角斷涼月  
墮庭露如霰烏啼不啼將夜半

懊惱曲

龍頭水悠悠郎上水中舟舟行駛於箭郎君不  
可見郎舟莫繫青樓傍水邊惱殺雙鴛鴦

怨歌行

山耶水耶抱烟霞者子耶平原膾膾荆棘孔多

前有林隙後有網羅望爾不見思如之何

### 臨高臺

臨高臺俯具野塞垣秋四山赭火雲閃閃牙旗  
紅烟烽夜達甘泉宮亂鬚猛士猛如虎雙手提  
刀背負弩為報黃金臺上恩鐵衣炯炯當軍門  
嬰前鋒犯重險戰苦陣雲寒圍長塞日短鳳凰  
孔雀東南飛城頭夜夜烏啼戰士歸來血染  
衣

### 白頭吟

女蘿附長松秋風棄紈扇君心石不移桑田有

時變妾本良家子與君夙結歡十年侍巾櫛嫫  
媚心相憐鴛鴦雙帶結同心中斷絕采采羅衣  
裳歲暮無馨香敝帷戀君床脫屣戀君足願將  
百歲心比擬雙魚目輕盈揚白花飛墮溝中泥  
化作浮萍草隨波蕩不歸澧有芳蘭澤有芷老  
向沙頭抱香死

### 野田黃雀行

彼山之阿孰張雀羅黃雀飛飛誤觸其機豈無  
羽翼欲飛不得青錦蟠花赭白馬彎弓射虎南  
山下放雀抵須臾惱殺山中麋九重日炫黃金

門黃金大印雙輪轉雨其明未報此恩

獨漉篇

獨漉獨漉川行無梁陸車摧轂魁魁窺人為也  
與頊為鵠與翦于渚于田毛羽翩翩或戾于天  
匣中寶劍雙龍精仰天露拔錚錚鳴吾欲持之  
剗不平瘡鄉無人鬼夜哭仗劍時時歌獨漉

黃鵠歌

翩翩雙黃鵠飛鳴翔清池青雲夾兩翼金縷飾  
毛衣池邊菱荇青差差唼喋頤影波連漪林棲  
野鶩羣相疑鳳凰從何來假息梧桐樹一舉炫  
朝陽翱翔千仞去黃鵠黃鵠爾無愁鳳凰接爾  
丹丘遊

淋池歌

荷芰流香莖四葉文梓為船木蘭楫飛鸞翔鳳  
池上游畢景忘歸歸復留梧桐露下宮烟秋龍  
箏錦瑟奏未罷建章黃鵠翩翩下

招商歌

太液秋兮揚素波涼飈瑟瑟鳴高柯歌鍾夜醉  
池上荷翠華鼻鼻拂烟蘿千乘萬騎如雲多飛  
龍雕輦八寶粧金釵十二羅成行鸞迴燕着泥

宮前清綠玉鳧啼不醒明河漸銷白露冷

落葉哀蟬曲

宮井銀床朱綆斷霧閣沉沉素秋半今夕何夕  
燈燭光香炷縹緲長生殿淡雲如縠影蟬娟含  
情欲語疑不前潸然淚迸珍珠泉天長地濶知  
何處落葉鳴蟬響高樹迢露吟風寒更哀襄王  
夢覺陽雲臺踈螢亂度黃金階

隴頭吟

隴上山嵯峨隴下水成河望而不見心煩疴桑  
田膾膾海波淺水流不停石不轉

織婦詞

犬聲信信鷄喔喔丁男踰垣稚子哭長髯騎馬  
長衫青馬前惡少雙雉翎蓬頭里胥交兩路稍  
不近前惡少怒長髯歸去馬如飛村無犬吠鳴  
無鷄挑燈更上流黃機

秋夜長

良人遠行役妾此空帷床夜夜不成寐燕之秋  
夜長長夜夫如何夜半多風雨鴻鴈杳不聞孤  
燈自延佇皎皎中天月乃在暮雲陰照見妾顏  
色不照妾中心妾身如秋草棄擲荒山道緬邈

三春暝念之詎能報零露下庭樹涼颺動沉蘇  
感此鴛鴦鳥繡余愁不舒鴛鴦復鴛鴦與君諧  
熾燒中道忽暎携關山日以遠思君不能見但  
見床上衣新衣倏成故况此雙蛾眉衣故浣可  
新容華日衰歇妾恐君歸來不似初相別

木綿歌

村雨霽朝烟家家出種田夫言種秔稻婦言種  
木綿夫種稻田收不多婦種木綿花滿科鷄鳴  
起櫛髮裹飯上壠畔入壠斂足行恐傷嫩花辨  
日暮歸來花滿盤重之不減白玉團女言衣無

襦兒言寒無衣床前紡車響軸上玉梭飛挑燈  
覓剪刀含笑下鳴機客從何方來云我徵逋賦  
斷織恚且行瞠目不容訴天寒歲暮風滿樹木  
綿花飛不知處歸來忍見機杼空夫婦相持泣  
如雨

昊天歌

跣足置麀肉食者履鳩奪鵲巢維鵲之耻鷹隼  
附人飽則逝矣雉藏其頭皇恤厥尾人亦有言  
昊天伊迺穹兮蒼兮突而靈兮悠悠我心靡永



雙鳳何嘗行

玉釵翡翠參差光  
湘裙拖綠雙鳴璫  
身前飛起雙鳳凰  
手持鸚鵡黃金觴  
歌喉宛轉翠眉低  
綰蠻隔座聞黃鸝  
逢人解道相思詞  
花底秦宮差可擬  
燕玉吳娥羞欲死

同雲黯黯金門開  
飄風飛雪長安街  
綺席纒終酒未醒  
笑挽絲鞭迤邐回  
天生艷麗絕代人口  
脂面藥生陽春膝  
席酒喧灌夫罵履  
珠爭訝孟嘗賓古來  
榮惑皆如此  
旦日承恩暮賜死  
但愁殘血污金紫

膠東太守謠

夷梁別駕膠東太守印  
綬纍纍印如斗  
繡鸞五馬天上来  
燐火無光豺虎走  
孤月皎皎揚輝晶  
冰壺照耀秋潭清  
我鑿我井田我耕  
村夜不聞吠犬聲  
賣劔買牛牛有牯  
農者服農賈服賈  
賈者衣不來民不苦  
芄芃者桑守出無裳  
我有梁有穀太守之食  
脫粟寨帷露冕守行春  
我民遮道守不嗔  
前有弓旌使後有蒲車  
輪太守不留愁穢

人

小麥謠

古長城邊小麥熟  
展鋪日傍田中宿  
誰其刈者胡馬來  
欲往從之路維谷  
城中鐵甲高於山城  
門金鎖九重關  
將軍肉食安用此  
野人一夜生愁顏

古別離

青青澗中芹  
鬱鬱石上松  
松以妾自况  
芹以奉君終  
君行日逾遠  
芹萎不堪采  
芳菲貴及時  
青松色不改  
山有女蘿枝  
澗有鴛鴦鳥  
君心倘不移  
終焉諧風好

采蓮媚時好  
采菊徒自香  
所以綠窻人  
不及青樓倡  
倡家本輕薄  
繡戶垂珠箔  
慘淡嫁時年  
深不堪着  
娟娟良夜月  
照此誰家樓  
千金買歌笑  
百萬贈纏頭  
君行蕩不止  
妾心苦欲死

四懷效張平子

有美人兮在扶桑  
豈不懷歸渤海長  
側身西望倚徬徨  
何人贈我白玉簪  
我欲報之雙南金  
龜蒙岱嶽高嶙峋  
望而不見傷我心  
有美人兮在崑崙  
豈不懷歸阻玉門  
側身東望銷吟魂  
何人贈我青琅玕  
我欲報之雙玉盤  
流沙青海浩漫漫  
望而不見摧肺肝

有美人兮在交南豈不懷歸阻湘潭側身北望  
停遙驂何人贈我黑貂裘我欲報之雙吳鉞  
眞揚奧阻且脩望而不見心煩憂

有美人兮在玄都豈不懷歸燕雲紆側身南望  
中踟躕何人贈我紅珊瑚我欲報之雙明珠層  
冰峩峩陰山孤望而不見涕霑裾

嗟嗟吟

南山有豺攫邑之子孰往殪之而毒其矢彼曰  
嗟嗟暴雨孰田于郊維莠驕驕孰往刈之而弗  
斲力之勞彼曰嗟嗟握子之苗伯奇撥降父不

憐蒸梨之婦遺棄捐彼漁之網鴻雁嗚呼嗟  
嗟蒼天

行路難

艷頰之堆大如象百犬雖勞舟可上羊腸九折  
高於天驅車策馬遊其間悠悠世道交蹊徑險  
莫測我歌行路歌令人動顏色清平郊野鷓鴣  
翔明星墮地燭火光晨朝戴笠暮乘馬忽漫相  
逢馬不下鷄壇軟血結同盟阱中下石謀相傾  
楊家冰山高巖嶮林甫腹中劍是鐵樽俎談笑  
蘆戈矛一日不戒成顛越不風而波平陸成河

柳折折轉將如之何東山草堂畫空洞胡不歸  
田買田種

陌上吟

出門持筐入隴採桑桑間葉密桑條長良人在  
遠姑在堂蚕成織作姑衣裳陌上郎爾無侮黃  
金賤賤如土十年行役蕩不歸深衷耿耿當告  
誰東海可乾石可裂桑間之婦不可悅羞君與  
君生訣絕請君留黃金贈與二心人

泚水吟

水上軍聲堅不可破管中赤熾森如林五十萬

兵同日挫相君背君貴不可言歸楚楚疑歸漢  
恐三分兩利當俱存背水之陣臣立功相背不  
背臣之忠臣不肯主主背盟河山帶礪成飄風  
蛟兔死走狗烹高鳥盡藏良弓昇足猶嗔崩轍  
計從中豈許陳豨同將無飲恨未央宮未央宮  
雲夢澤陳平謀鄼侯策

香奩曲用李長吉十二月樂辭韻

春幡迎春春早歸物色生態還遲遲梅花粧襯  
瓊瑤姿辛盤織手縷青絲燕雙飛玉釵冷山  
棚結綺天初暝年年剪燈剪刀折看燈猶着年

萬柳遶芳津，漸舒青眼。窺行人繡簾捲，日香風薰。倉庚乳燕，鳴青春娟娟。佳麗踏遊塵。金環雜佩，流行雲歸來，露濕榴花裙。深閨盡日清如水，春色惱人愁欲死。

暮春春色濃於春，百花氣煖薰遊人。遊人愛春常起，早花下流觴泛曲水。鞦韆、輦、輶、綵繩繫百戲，爭喧芳草地。是誰猶道春光淺，燕黠鶯嬌爭趁煖。早時宛轉綠楊枝，夜深又過薔薇苑。

槐陰亭午圓如蓋，清影婆娑綺窓外。南薰釀暑乍氤氲，珠簾冰簟開重門。黃梅一雨花流漪，蛺蝶穿枝款款飛。落紅無數怨參差。

縷絲繫玉腕，結艾懸重門。凭闌眺清江，波漾織羅紋。龍舟杳不逢香蘋，日以綠愁心中縈迴萬斛積如粟。

綠陰樹青如竹石，枕藤床抱冰玉。朱華艷艷野塘開，風亭水榭倚徘徊。徧徧蘭撓齊唱采蓮來。

金飈滌煩溽，珠斗散勺圓。循階下矍矍，分影流西園。園中乞巧女，買笑不論錢。凝眸翠鈿濕闌，孔金針寒夜深靜，無事搔首凭闌干。

中天炫皎月走雷咽誰家攬衣出庭戶  
年華花叢香委綴苔徑深橫斜小語喚雙蛾臨  
池折露荷

碧天涼月明於水百卉經秋腓欲死砧杵聲傳  
愁脉脉沙汀鴈叫蘆花白皋蘭離菊埋幽草欲  
上高臺迷遠道誰家環佩響瓏玃月明漸轉雙  
梧桐

金尊綠蟻凝不傾蘭膏孤焰宵猶明悲風簇簌  
吹簾幙紅撥圍爐燠煖閣翠衾紙帳那能眠口  
脂面藥香凝寒手扃朱戶搖雙環

朔雲閣日日無光迴風吹亂瑤華芳金尊夜煮  
羊羔酒待君為君千萬壽鴻鴈不來傳尺素山  
上之山定何處

寒爐撥盡轉蕭灑歲事如蛇赴壑下梅花春已  
到南枝早晚屠蘇送除夜

月之餘是幾時五行七緯數可推雲光匝地凝  
不飛梨花李花開尚遲五陵之間五侯貴已辨  
尋春控玉轡

猛虎噬人不避賢豪篇

中林才子才且賢南山有虎花斑斑山空無人

虎不食磨牙後是猶難逃虎未何吃時彼賢矣  
所逃虎去怒不止反觸屢機死機上之人笑齒  
齒牙爪威風紙如此畫簾不捲青春開為虎且  
著猛虎篇

戰城南

戰城南城北走窮徠呼兔株守牙旗展展城門  
開城中鐵甲魚鱗排馬蹄踏破城南街戰城南  
戰愈苦我軍如羊敵如虎我軍如羊弓不敢張  
畏敵如虎不敢張弩天地為變風悲日曠元戎  
授首列校亡群吁嗟乎遼陽之軍宣府軍戰城

南戰莫懼黃榜來爾當去

金臺曲

燕王昔築黃金臺黃金臺成賓客來玉冠珠履  
紛如堵贈客黃金如贈土左樂毅右劇辛東無  
趙西無秦苜城即墨雖未下齊君出亡燕已霸  
柳中猛虎金中魚禽獮草薙功乃殊薤上露晞  
白日暮騎劫何來毅何去蒼蠅浣白玉護口鏢  
黃金當局不能識笑殺俯觀人君不見即墨門  
開飛紫烟降城七十皆叛燕齊人裂地封田單  
單稱孤劫稱虜黃金臺罷歌舞

春晚曲

畫閣芸窗護綺紗  
朱簾半捲燕飛斜  
東風吹綻碧桃花  
起來無語倚花立  
花含朝露花如泣

姐上行

姐上翁爾無烹烹時分我一杯  
羹我為爾弟爾為兄  
天倫義重天下輕  
割鴻溝會垓下  
楚聲悲咽楚腰舞  
未央前殿高嗟峨  
萬歲為樂樂孔多  
姐上之翁柰若何

梅花引

天上雪飄飄  
江頭花正嬌  
不記花時節  
但見花如雪  
斷腸遊子在天涯  
含情欲寄江頭花  
花氣薰人雪漸冷  
閒著花枝花不省

灞陵吟

灞陵橋灞陵尉令嚴  
不比金吾貴  
今將軍故將軍  
射獵歸來日已曛  
尉止將軍宿  
亭下前騎告尉尉  
不怕胡塵漠漠捲地來  
將軍曉羨長安街  
軍中一卷書  
上有尉名姓  
將軍呼問之  
尉懼不能應  
匣中寶劍光  
油油街頭紅血凝  
不流灞上之  
言言始酬神龍蟠  
泥沙頭角嶄然異  
蛟螭走且藏  
矧茲蚯蚓類  
南山雀  
雀夜獵多草狐野豕



十馬駭將軍歸來莫敢訶

樓谿先生集卷之二

膠東崔廷槐樓谿撰  
高梁王時濟龍塢選  
東萊胡來貢順菴校

四言古詩

龍旂

龍旂頌 大禮也

龍旂交交在河之澚載飛載揚載肅其羽  
龍旂交交載臨于壇載飛載揚有爛厥觀  
時維孟春筮日其吉 皇在齋宮有嚴有翼以

事上天以洽爾百祀

標燦煌煌萬舞踳踳 皇降于庭承筐是將承

筐是將格之洋洋如歆如嘗如聞如彰

皇若曰都咨爾元臣既類而禋恪將于勤元臣

祇若畏畏肅肅奠于三辰于嶽于瀆于彼百靈

神罔弗福

皇来自郊于祖于朝皇人逍遙式歌且謠載錫

之宴載慶厥成百禮既洽萬方以寧

穆穆我 皇綱紀四方之紀之綱百度惟張鍾

靈毓祥既壽而昌既壽而昌萬億無疆小臣佐

頌敢告司幢

龍旂八章二章章四句一章六句二

章章八句三章章十句

碩人

碩人招隱也士有懷抱利器而與時

不偶者邂逅旅途聿諧情素睽携既

久愴焉感恩

猗嗟碩人在河之湄日月于邁言采其非我徂

既東我心西馳庶幾見之贈之以紫芝

倚嗟碩人在河之濟日月于邁言采其苦我徂

既東獨行踽踽庶幾見之贈之以白芍  
猶嗟碩人在河之汀日月于邁言采其蒨我徂  
既東憂心忉忉庶幾見之贈之以茯苓

碩人三章章八句

我行

我行思歸也

我行于郊其雨濛濛其雨川途既阻憂心煦煦胡不  
遄歸適彼樂土

我行于郊其雨濛濛川途既阻憂心忉忉胡不  
遄歸于彼樂宮

有狐綏綏有鴟鳴悲川途既阻亦孔之哀我行  
曰歸胡不遄而

我行三章章六句

山有松

山有松思美人也

山有松澤有蘭不見君子居靡遑安彼君子兮  
西方之賢兮

山有松澤有芷居靡遑安不見君子彼君子兮  
西方之美兮

山有松二章章六句

東門之池

東門之池悼時也歲儉民饑野取不  
給而城門之池有厲禁焉國人傷之  
爰有是作

東門之池有鳧與鴈薄言弋之供爾夕膳孰厲  
其禁至今為患歲云暮矣胡不永嘆

東門之池有蒲芙藻薄言刈之以葺爾廬孰厲  
其禁至今靡渝歲云暮矣吾何以居

東門之池二章章八句

子之豫

子之豫志遇也士始覲君而喜乃託  
其夫婦之詞以見云

子之豫兮遘我于著兮盥盥者絢兮今夕何夕  
見子之屨兮

子之康兮遘我于堂兮采采者黃兮今夕何夕  
見子之裳兮

子之娟兮遘我于廕兮莪莪者玄兮今夕何夕  
見子之冠兮

子之豫三章章五句

山泉

山泉紀歸也

何山之泉不清而冷兮子行曰歸濯爾之纓兮  
何山之谷不深而虛兮子行曰歸繫爾之駒兮  
中犧之牛角則文之服輦之象齒則焚之有鳥  
飛飛止于中達曰之夕矣不去何為

山泉三章二章章四句一章八句

河之水

河之水憫饑也

河之水其流湯湯汲而觴之不如酒漿  
河之水其水霍霍谷而臞之不如糠與粕

樹無甲矣卉無茁矣紛彼陰沴殷相軋矣我饑  
何食我寒何衣嗟我父母胡寧不悲  
有粟在庾有金在帑如山如鼻如拍諸掌父兮  
育我母兮鞠我我饑我寒胡不恤我

相彼原矣維沙維壚維土沮洳維焦與枯維慘  
慘室廬維纍纍維行步趨趨維言貌疇疇  
翩翩鴻鴈載戢其羽載飛載鳴逝彼樂土彼土  
之樂維鳥之依矧伊人斯而寧不悲

何水不魚何山不畋嗟我懷人居靡遑安父我  
怙兮毋我恃兮我帑我庾不我食兮

河之水七章二章章四句五章章八句

樓谿先生集卷之三

膠東崔廷槐樓谿撰

高梁王時濟龍塢選

東萊胡采貢順菴校

五言古詩

延福宮夜集

名區麗綺構迴廊闕幽深停鑣叩玄洞覽勝豁  
煩襟主人愛重客邂逅展慇懃開軒理瑤席呼  
僮調玉琴良儕盛文炳一一青瑤琳偃游各殊  
致晤言昏所欽庭柯下白露業花散黃金移床

猶未植擊節翻高吟飛來雙白鶴乃自青  
之頗相狎無乃支道林長生有要術幻化匪  
素心勉之在貞固努力徵先今爐烟篆清曙禁  
鼓集朝簪聯翩踏塵去碩念仍吁歎

郊夜柬陳郎中

齋心耿不寐署夜清未央開簾燭花燼伏枕芸  
爐香遙風颯以至流響生帷床喟焉馳緬想攬  
衣起傍皇天高北辰遠河廣阻無梁安得雙羽  
翼附彼冥鴻翔

瑤壇啓曙景頹燎揚明輝六宗亶昭格萬乘儼

將歸振衣出庭戶鳴珮趨彤闈金門洞四闢幽  
簿陳重圍煌煌玉輅下矯矯黃龍飛鷄鳴肅對  
越悚息瞻天威雲高象闕逼堦遠鶴行稀但於  
簾影外遙見香烟霏德馨上帝饗聖佐群情怡  
永言凝寶命萬祀以為期

送李方泉赴永平

涼風吹閭闔零露澄海隅美人被簡命祗役出皇  
區刻期憇東郡楊旆陟脩途吾儕夙相愛視與  
璫璵俱臨岐重分手把袂以踟躕言念金閨姿早  
棄青年編文章鏤金石意氣橫江湖宛馬元龍

種吳劍自漢屢致遠諒非難小試馬可詎爲露山  
雲停嗷嗷渚鴈呼喟馬馳遐想邀矣增秋噓前  
旌屢已抗西日頽欲晡我亦將遠行山靈莫揶揄

故關道中

驅車上太行攬轡矢前導征徃夙已難茲遊逾  
難與朝陟荆棘岑暮息豺狼道顛危屢以經馳  
驅靡所告關城畫重局險徑不可蹈叱馭諒吾  
徒瞻雲發長悼勗哉日矜持終焉從所好

履險方圖易居危乃即安達人多逆境哲士炳  
幾先蜀道何險惡去住如奔瀾方軌九遠跼車

躓馬以顛千林鬱香藹列嶂紛噴岬所貴謹轡  
馭夷險安足嘆窮追悲夸父却步羞邯鄲願言  
遄征蓋山窮輿地寬

秋夕獨坐偶得崑崙山人張子平書寄謝

細雨逾高城涼颼吹霽夕園花媚幽庭草繁寒碧  
攬衣眠前除冥心亶飛越忽念山中人山中弄明月

出塞篇

祇命理征軺徵徒戒明茨攬轡捐所親轡弓向  
胡月丈夫志四方安能念離別朝陟太行雲暮  
踏黃河雪擊楫臨洪流雄心亶超越遙遙古龍



城漢漢愁雲結聚獵大狼嗥轉戰絳臺  
報相知匈奴未足滅

保德渡河

河源渺何許乃在西南垂東流入滄海萬折無  
回期臨流理舟楫探囊賃篙師未渡恐顛越既  
濟坦以夷斥堠亘長跞崖谷相蔽虧策馬渺崇  
崗攬轡踰前池前旌已山麓僕夫猶水涯崑崙  
登頓倦應接心神疲邊城邈雲際遙見沙風吹  
西崦日影薄返照桑榆暎山猿夜蹲罽狐兔交  
奔馳燐火燦林樾溼露霑葳蕤感時重悽悽委  
身亦支離懲艾自茲始衷軫奚其遠匣中舊龍  
劍露板光粲差平生百煉意無為愚者嗤

讀郭代公寶劍篇

昔我歌寶劍醉贈鍾寒泉不知郭代公先吟寶  
劍篇華詞媚宸極勁氣衝雲天杜老天下士把  
玩推無前希聲金擲地雅調鶴鳴烟曰余雖黨  
陋寤寐欽先賢命義偶然合摘辭孟浪傳連篇  
媿冗俗朗誦覺牽纏乃知作者聖簡古方通玄  
寄語鍾期生伯牙久絕絃

擬古

盈盈水止女媧媧仙人粧雲冠襯珠翠宮錦衣  
未蒙彩珠餘半采晤語生馨香翩翩文鳳翥  
矯遊龍翔天寒霜霰白夜久星輝揚銀轡杳莫  
遠見此雙鳴璫迢迢明河高晶晶行雲光脂車  
聊自誓橫浦擬為梁惜哉乏先容緝禮嚴于防  
山有木連理水有雙鴛鴦念之不忍釋竚立以  
傍徨

屈野河

塞水不盈尺中有百尺鱗變化在頃臾頭角高  
嶙嶙泥蟠固有待雲蒸一何神願言作霖雨澤

被萬方民

宿張掖門

明廷率虞典玉帛輯群侯誕命肅皇度敷對  
馭鴻猷眇予亶寡劣忝竊陪茲遊曠療乃底績委  
身安用酬朝辭鷓鴣序夕憇城南樓象魏日以  
遠寤寐懷殷憂攬衣俯朱檻仰見春星流喟焉  
羨長嘆顧念心悠悠臨川釐桂楫大雅和鳴球  
物理貴相值時哉焉所求西極古荒服淳朴今  
無儔循良有遺軌毘勉欽前脩徒御戒明發輶  
車越前疇皇仁邈無外去去勿淹留

吊唐饒陽裨將張興墓

步屨城南陌遙望高丘臺白楊風蕭蕭宿雨驕  
荒萊緬惟臺下人夙遘世中衰狂胡憑寵嬖妖  
艷基亂階皇輿日播越股肱資儁才四海紛鼎  
沸孤城安恃哉邈焉罵賊心慷慨寘所借矯首  
蹈白刃含笑即重埃神龍幻天達文鳳委丹厓  
流聞諒休暢千載鍾餘哀

夏日郊行遂訪平軒別業

平生寘徒侶愛爾林堂幽懽遘眷良夜晤語心  
相留園榮拂几席露華浥茗甌圖書展奇玩聊  
慰中煩憂鷄鳴相樹杪月轉西南樓出門重睽  
携把臂以綢繆皎皎荆山璞離陸雙吳鈞相持  
願相贈努力欽前脩

遊三丘

委身祇皇役大運幹以周齋居戢局蹐薄言朝  
出遊歷歷遠村樹聯絡崑崙丘攝衣陟危巘命  
駕踰前疇仰視浮雲停俯瞰洪流馳情念羈  
旅欲濟川無舟荆綦日叢沓鳥雀紛啁狄勉之  
在桑榆願貯心悠悠

贈栢軒

青青栢樹子種在軒前栢叶栢老不知年但見  
柯如漆下有長年人獨抱軒中膝手把栢樹枝  
杯吸栢葉酒童顏渥成丹鶴髮披兩肘醉即枕  
樹眠醒復呼童取聊以陶性真天地吾何有

烏生

烏生八九子昕夕營其巢巢壞且復完下食相  
呼啼羽毛日以長意氣昏雄豪張口蘊機阱側  
目冲雲霄南隣無義鵲北里多鳴蜩芳時易徂  
謝城夜各悲噉山烏戀舊林池魚思故濤安得  
鳴弦斷續以青鸞膠

秋興

金天肇肅氣白露凝為霜庭柯激流響蟋蟀鳴  
惟床攬衣不成寐中夜起徬徨出戶見明月群  
星麗其傍河漢高且深俛仰川無航言念多露  
詩載誦無衣章脉脉倚前楹切怛中情傷

皇鸞炫文羽乃在丹山厓誤落梧桐樹遂為燕  
雀猜韶雅久絕響岐岡翳氛埃逝將厲脩翮千  
仞以徘徊

燕趙多名姝美者顏如玉盛年乏良媒鬱鬱嫁  
不鬻朝臨塵鏡臺暮對西窗燭遐心感歲時鉛

膏不成沐秋氣候以悲園卉慘不綠龜勉愛芳  
華潛陽藹幽谷

向晚意頗適起步齋西亭禽華薦寒色冒雨數  
秋榮頽然一壺酒相對還自傾冉冉芳馨遠采  
采懷袖盈摘之欲何為服食求長生長生詎能  
得聊足製頽齡

東方精衛鳥不知軀體微欲以口中土平填滄  
海歸朝飲尾間水夕棲苦木枝形勞心愈苦力  
倦神應疲海若見之笑區區徒爾為雖云不自  
量而志良可悲

南陽多近貴北里皆侯王抗禮黃金臺供奉白  
玉堂寂寂陶令宅秋日逾荒涼紫蘭被巷徑門  
牖蛛羅張折腰五斗米白首悲為郎蒼雀水中  
蛤腐草生螢光變化各有值貞固以為良

古意

燕山有白石良者秀而瑩宋人拾得之奚啻藍  
田生韞櫝秘光彩炫世徇高名客從周南來主  
人七日齋蒺篋掩口笑謂與瓦甃偕所言良不  
誣主惑牢莫開索價逾千金恐為客所紿終身  
不能售棄擲山之隈

荆山有玉璞，卞生識其良。持以獻時君，三試斥  
為狂。哀哀空山中，抱泣日流血。氣結沅湘雲，夢  
回巫峽月。歲晏邁所知，剖視得徑尺。純白如截  
脂，命曰和氏璧。高價逾秦城，照乘無魏國。平生  
則足羞，觀者為懷惻。

諭鹿父老

皇仁憫繁邑，命使催南遷。匆匆戒行色，父老皆  
茫然。上書留不報，環泣廳之前。曰：余雖寡劣，頗  
覺心相憐。十觴醉白酒，百丈羅華筵。眇茲琴與  
鶴，牽挽如雲璣。魚謀脫我靴，臥我車轍邊。上言  
單父治，下言茂宰賢。我本金閨客，分符在當年。  
重祿愧忝竊，歷履恒迤邐。澶谷大不蒙，斥淍調逾  
乾。乾臨岐，重惆悵。無乃平生緣，父老慙不去。淚  
下如湧泉，相携遂行。益再拜城南阡，朔風號古  
木。夕陽下平川，深情不可道。長嘯蒼蒼天。

冬赴建平曉發有感

晨朝履霜霰，驅駕遵海濱。揚旌陟烟霧，攬轡踰  
城闔。邈茲股肱邑，乃在江東津。琴臺花柳映齋  
閣，圖書陳汎汎。浮萍草冉冉，風中塵中懷。窘難  
訴，欲發還途。巡鳳鳴岐岡，樹魯叟悲。獲麟出處

固有值而孰契厥厥因皇仁誕無外貞夫志委身  
夷險古殊致一節世所珍龍蟠固有待蟻屈乃  
以伸寧知霖雨者不是商岩人彼哉此山什遊  
矣無諄諄

元夕對月泊金陵作

昔人謂春月不似秋月光春月令人愛秋月徒  
感傷今夕知何夕攬衣下中堂六街喧鼓吹雜  
踏游塵香盈盈河漢影皎皎天中央瑤華淨於  
水照此羅衣裳感時念孤子對酒不盈觴喟焉  
馳緬想竚立以徬徨桑田有變易歲序互炎涼  
人生百年內戚戚安可常春月傷亦得秋月愛  
何妨謫仙與玻老臧穀俱亡羊

園中

川塗倦登涉言歸念故鄉眷茲林壑爽誅日開  
茅堂山田數十畝一一皆耕桑花分四時種竹  
用大谷量佳辰新酒熟洒掃清池傍貽書邀野  
叟高歌下夕陽醉眠藉芳草醒復攀垂楊候人  
扶几杖穉子牽衣裳青天上明月白露凝如霜  
出門各自媚談笑生輝光

貧交行

貧交重然諾富交重綺紈綺紈易摧落然諾傾  
肺肝平生寬徒侶與子中結歡義氣各相值文  
采雙鷓鴣飄風從何來白日生羽翰天涯邈阻  
越遺茲長恨端今辰知何辰邂逅河之干解劍  
倚荆莽握手以盃桓衷懷慘不裝感舊增悲酸  
上言遠離別下言行路難川有浮萍草陸有風  
中綿豈以貞亮節化佐東西湍去去勿復道努  
力加晨殫

咄咄行

咄咄復咄咄中懷窘自傷單車即長道白日無

光芒憶昔少年日結交豪俠場醉騎紅叱撥獵  
取生蒼狼天子蒙召見羽箭雙穿揚平明出  
金殿嚇殺羽林郎如何中垂隔投竄荆棘鄉山  
鬼見之笑狐狸蹄其傍近者有烽報凶奴寇井  
涼起視匣中劍中夜光煇煇惜哉司馬門留滯  
習為常上書不肯達暮矣桑榆光

赴京宿八角池

茲辰捐所好慷慨臨長途軺車造雲日攬轡中  
踟躕山有戀枝鳥池有懷淵魚況也骨肉親離  
別在須臾還書泣復道感舊重款歡願言慎自



夢以慰心煩紆

樵谿先生集卷之四

膠東崔廷槐樓谿撰

高梁王時濟龍塢選

東萊胡來貢順菴校

五言古詩

擬古

惻惻復惻惻感茲生別心中宵不成寐攬衣起  
長吟虛堂鑑朗月音響哀以沉晨光滯未蕪且  
復彈鳴琴潛鱗媚幽姿矯羽遺故林豈不馳夢  
想末路增嘔歎願言慎明德一慰憂思深

盤盤高山松倚倚深淵竹霜風日以寒佳人在  
空谷昔為席上珍今在匣中玉歲暮倚荆衡樓  
遲得所飲

巍構凌層烟綺疏臨廣陌宵宵金張廬逶迤衛  
霍宅車騎都且閑衣裘媚光澤遨遊宛洛原醉  
臥絃歌夕千金贈不吝百萬廬一擲意氣頗豪  
雄結交皆俠客天雲無定蹤秋局多變奕清霜  
瘁百草零落候今昔

結屋在雲壑屏迹逃煩紆西嶮日易薄鼓瑟聊  
自娛一歌再三嘆詎知好者竿露晞不崇朝奄

忽雲相逾揚揚清廟犧寧似濠梁魚

峩峩五城樓盈盈樓上女熒熒冰雪姿笑隔紅  
蕖語盼昧遺光輝蘭佩時輕舉欲往從之遊恍  
惚不知處顧瞻海上雲忽忽千峰雨

海霞明可餐桃實大如斗千金買其方贈君為  
君壽豈云無他人念我平生友生當麗澤資死  
同正丘首

白露零廣野林飈激哀吟寒暄變節候品彙增  
蕭森仰觀流雲停俯聞侶鴈音感時馳緬想懷  
舊悲同心蒼蠅間白黑護巧疎交親昔為結髮

好今如岐路人腐草有變化蛭蟥生以陰若非  
金石姿安用恒吁歎

累累琅玕實亭亭桐樹枝皇鸞戩威羽終焉良  
在茲涓涓南澗流蓬藿生其涯朝逐鷄鶩食暮  
為燕雀欺咄咄蒸梨婦與彼履霜兒襟抱諒貞  
素深心當語誰所以君子徒置身慎所依

晨旭揚東暉明霞媚群鳥列岫白雲樓高岩植  
瑤草豈不自怡悅不堪贈所好保畜終百年遺  
榮以為寶

吳牛畏見月畢星不好風人心罕如面惠好焉

能終翩翩九皋鶴養羽巢高松不羨羈縶累焉  
知軒冕崇

峒峒北辰居重城耀金紫雙闕流簪纓參差鳳  
凰起昔玷鷓鴣群今麾江海洙甸宣力不任瞻  
戀耿未已山有補天石澗有美芹子深衷抱區  
區疇能鑒亮此

象以齒自焚膏以明為厲言念千金軀豈博刀  
錐利壯哉帝王京邸第多佳麗朝竊周召權夕  
攘城狐勢惜哉甘露危刑餘劓遺類餘波逮儒  
紳皇圖亦陵替古道難重陳哲人當自勵

驅駕咸陽原歷覽五陵墓人歸長夜臺長眠不  
曾悟生平百齡餘忽如草頭露謀生茲已艱况  
也九京路興廢古有然豪華易成故墓道下夕  
陽羨莽巢狐兔不見墓中人但見墓邊樹誦彼  
景山詩哀哀淚如雨

海上三仙山至人多不死塵芥眇六合飛騰立  
可俟我欲徃從之但恐逆生理大化翰玄機陰  
陽妙無始茫茫寰宇中豈有廣成子

芙蓉本自雙鴛鴦不獨宿與子夙同袍中更非  
所欲昔別柰李妍今見桂香馥霏雪凝不流園

卉萋又綠浪煖出潛魚天長飛野鶯因之絨音

微聊以寫衷曲

山居意頗適日與園田親桑麻被廣野鷄黍延  
芳隣客來自何許遺我朱絲琴感舊道情素探  
囊展慇懃上絃操流水下絃鸞鳳吟客嘆頗擊  
鄙彷彿伯牙賓曲終長揖去顧盼仍逡巡

鳳啣五色書飛墮中衢東長跼讀素書書中意  
無窮於皇重賢俊側陋俱登庸如何蓬華下偃  
蹇以為崇驅車駕言邁去謁明光宮但恐忤時  
好艱哉亮天工林棲藪縱翼襪線無長縫願言

秉微尚養拙高雲峰

岩堯東山東中有環堵墻涼風激櫺戶蟋蟀鳴  
惟床覽物感時變晨興履嚴霜寒衣不成織深  
悲生洞房所思在遠道欲濟川無梁願因南雁  
去遺以雙流黃

谿上

吾家岱宗麓滄海滙其傍風志窮顛深岳老無  
梯航仰止蒞浩嘆望洋中感陽迴轅眺西谿高  
蹈以徜徉

陽春布東旭廣野麗繁柯我屋清溪上禽鳥相  
鳴和雜花被庭戶萬綠環婆娑觀魚臨水檻揚  
灑激頽波蛟龍待雲雨長松附烟蘿願言託情  
懷于彼丘中阿

弔竈戚塚

驅車邁西陸息駕先賢鄉晨興訪遺迹歷覽中  
懷傷君王昔好士瀕海無遺良射鈞蒙顯陟扁  
也升其堂惜哉飯牛客秉志希虞唐卑衣豈不  
足叩角何其狂明珠忌暗投圭璋慎匱藏作事  
不謀始終焉安允臧纍纍中林東高封下夕陽  
白石已陳迹隴草生秋霜感念雍門言涕下霑

衣裳

雨後環山亭讌集

頑陰滯苦雨長日無光輝  
今晨倏朗豁遙見空烟飛  
扶桑麗朱景赫奕楊東暉  
二儀變熙皞廣野羅芳菲  
命駕邁北陸歷覽踰石磯  
名園依野水矗矗青山圍  
嘉木秀而藹上有薰風吹  
逶迤委巷靜白板扃雙扉  
北窻足高臥起攀桂樹枝  
扶筇下林越散步臨清池  
豈不自怡悅念茲儔侶稀  
英英二三友面帶青雲姿  
入門各自媚似與心相期  
開軒但瑤席燕飲逾依依  
振衣觸花落度曲停雲遲  
皎皎中林月乃在天之涯  
漸升固有待微減奚其虧  
人生匪金石亮無百歲時  
營營寡懽懽徒為達者嗤  
琳琅綠綺操歛艷黃金危  
終遠願有贈欲別難為辭  
行歸強飡飲以慰心憂思

泊黃州

江烟澹日夕迢照明東岩  
前驅臨野岸篝火收雲帆  
遙遙古黃郡乃在山之巖  
脩途造烟靄危樓翳松杉  
懷朋侶高駕折蘭飛瑤函  
吟行頗岑寂露下露衣衫

背賢不可作名樓何巋然丹青日炳煥兵燹今  
猶傳英辭勒錦石一一春花妍當其自意得奚  
啻千斯年翩翩車馬客遊玩如流泉願言踵高  
躅以了平生緣

采石

放舟清江渙亭午憇采石倚櫂臨漁磯登覽古  
遺迹飄飄謫仙人傲睨五湖客平生紫綺裘不  
博千金鏹酒酣弄月明長嘯入空碧搗詞玉樓  
中揮手長鯨側鵬奮三秋高龍眠九江窄淒斷  
青山雲袞袞叫日夕

上陵

金天肅灝氣積靄生層陰駕言邁郊甸攬轡陟  
嶇歎萋萋沙草岸隱隱丹楓林殊門陰其下上  
有雙鳴禽解囊留午炊倚席放豪吟相逢雖草  
次頗為知者欽清風激長路旌旆揚雲岑臨岐  
慘不發惻惻中懷深

送劉東津擢沁源令

涼颼蕩廣野白露霏如霰念君縮銅符千里宰  
山縣今辰蒞都門鳴鞭下郊甸前旌拍太行雙  
鳧駛於電眇茲百雉城宛在川之畔綿山蒞其

祥銅鞮借為案宰也虎豹姿肘繫雙吳劍春祀  
固所優割鷄安足羨暇日彈鳴琴且如宓子賤

感述

羲軒貴文治堯舜垂衣裳懿謨昭典則統緒紹  
皇王垂運有常度歲序五炎涼姬旦苟不作茫  
茫昏夜長

斯文忽已墜尼父聞其微寢席未遑煖教鐸振  
在茲惜哉鳳鳥逝不博紱麟悲素王崇報典萬  
世以為師

七雄秦紀度辯士何猖狂談天炫利害擁篲驕  
侯王秦威并六合漢法約三章淳風不可挽且  
幸斯民康

漢皇邁三五勲德遺在今前星夜失次武庫兵  
如林一言悟已晚四海潛悲吟哀哀望思苑日  
暮愁雲深

燁燁丹山窟中有孤鳳凰羽毛日彪炳覽德鳴  
高翔陽鳥炫景耀飛上東扶桑炎光誕昭布反  
顧中悲傷

羯胡亂中華江南奮龍戰青衣朝露危桑田滄  
海變王謝亦人豪扶日麗霄漢歲暮新亭遊淒



連淚如霰

坤德本貞順國體繁綱常刑于自壺奧保傳資  
巖廊陰華媚宸極趙燕翔昭陽安得魯仲連抗  
議排岩廊

眇余昔養晦學道窮玄虛仙人廣成子授我金  
丹書上言壽國脉下言慎其軀簡編條陳迹言  
念山中廬

典墳日以遠載籍何其滋群陰翳白晝安能辨  
妍媸洪河不長濁靈曜無恒虧願言滌瑕垢及  
此文明時

浩浩西岷江東與滄海會古稱天塹流投鞭立  
可待鄂岳即上游江黃亦要害慎茲南北兮黃  
河竝如帶

征戍滿天下供頓煩東南豐豫不可恃時誅民  
何堪鴻鴈逝已久虎穴疇能探哀流亡圖欲  
附瓊瑤函

府兵本唐制安危繫斯人陵夷三變後藩鎮亂  
其真空山豺虎嘯白日鷓鴣隣網繆徹桑土慎  
固以為玆

漢家全盛日諸將皆驍雄大者握節鉞臂挽千

釣弓鷹饑慎所附  
徠捷技難窮  
臧馬苟不死  
橫行沙漠中

孔明天下士  
高臥隆中  
廬當其未得意  
見笑西家  
愚風雲感三顧  
龍奮當一隅  
將星且未墮  
王業終何如

昔者雲中守募士  
摧強胡  
胡顏不振  
塞上無穹廬  
上功豈矯飾  
忌者斥為辜  
所以疎逖士  
不齒青雲徒

鮑生不可作  
交道難重陳  
阱石風已下  
勿頸豈其真  
哀哀鵲鴿原  
翩翩旅鴈群  
相知在急難  
難徵

茲骨肉親

蛟龍蟄未起  
蛭蝨曠世所  
珍於類固相似  
變化難為神  
比歲苦大旱  
蒼生焦若焚  
願言作霖雨  
如古商巖人

彼美芙蓉華  
植根濁水泥  
亭亭不受染  
乃見瓊瑤姿  
青袍遊治子  
白馬臨清池  
手掇浮萍草  
笑入揚花蹊

長安古大道  
中有名樓倡  
晤言媚時好  
服飾倫侯王  
春華易彫卸  
委巷逾荒涼  
鉛膏慙不御  
懷惻中懷傷

柳絲長不織莎鉞銳難縫殉名未足貴克濟乃  
為功曲士多辯言銜巧無良工深源苟不起蒼  
生望未窮

堂堂中達路機阱亦孔多置身一草率跬步逢  
干戈回塵不見憐竒蹤豈有他父師苟如此其  
柰衆人何

煌煌天北極列宿麗其傍我欲往即之河漢高  
無梁簷有負暄日澗有美芹香深衷滯未達終  
老以憂傷